

四庫全書

史部

欽定四庫全書

史部
欽定盛京通志卷一百二十二

侍郎_臣劉躍雲覆勘

總校官編修_臣朱鈐

欽定四庫全書

欽定盛京通志卷一百二十一

國朝藝文七

詩三

七言古體

欽定四庫全書

欽定盛京通志卷一百二十一

國朝藝文

七

詩二

七言古體

松山恭紀

康熙壬戌

張玉書

古戍春深曉飛霰馬首雲低擁
征傳松杏山經百戰餘舊聞
歷歷眼中見坡陀隱伏雉堞
頽層巒拔

地何崔嵬彎弓帶甲十三萬曾此空券委塵埃紅
羅山頭歸路絕青海嶂邊戰流血角聲入雲錦水
枯湘纍迎降氣嗚咽脫囚釋縛居上筵豐貂翠幕
鵠印懸南冠稽首紛雨泣効死誓日旌門前開天
神武渺衆慮四海英雄歸駕馭袞袞將相圖丹青奕奕驛
騶競騫翥於今亭堠生蓬蒿平蕪沙軟狐兔驕往
事浸尋四十載共驅耕犢來春樵想像山城仗黃
鉞虎帳經營幾歲月萬年形勝收雄關千里邊雲

接溟渤朝

陵兩度輦路平百靈跂翼隨行旌經過鐵馬金戈地時作

瀟瀟風雨聲

薩爾濟恭紀

康熙壬戌

張玉書

長河百折徑鬱盤遙山夾岸飛沙寒山隈河畔野
火出落落茅舍依林端舍旁老叟辭樸藪戰場指
點猶在目荒城入野生青燐夾路於今埋白鏃當
年敵騎明鉤膺梯衝雜沓雲氣騰四部軍來蹀塞

草千尋甲度蹕層冰左師結陳稱王杜吉林山頭
橫萬弩

睿謀策勝須攻瑕轍亂旋看散如雨崖邊逐北黃雲愁戰
骨摠入渾河流周麾一呼三路覆鼓聲再竭孤軍
收就中上將綖居首援亡矢絕真束手耳食猶傳
劒槩名興屍竟等螻蛄朽乃知

天戈所向同摧枯迅掃萬騎風雷驅自此關門拓土宇中
原指顧歸

乾符廢壘茫茫棲白鷗沙場脈脈照新月
遙岑木葉春陰
高匝地英風吹未歇

杏山紀事

康熙戊寅

塞爾赫

杏山山上石岨巘杏山山水寥泝山前山後沙
土赤疑是當年覆軍血惜昔將軍未上馬羽檄交
馳遍天下衆號十萬出關來遮日旌旗滿原野畫
鼓三通不交戰感策聲中軌先亂二千鐵騎儼丈
人大箭長弓一當萬霜摧敗葉草偃風血流染海

波濤紅馬前不誅長平卒祇今竹帛褒元功吁嗟
推轂竟何補俘將解縛拜

真主有人東望尚招魂衣冠哭葬燕山土

松山紀事

康熙戊寅

塞爾赫

錦州城南多崹嶺路入坡隴低復起行行曠望見
廣原一掌平開渾如砥東南突岼聳高昇行人指
說松山是松山之上—松無風過濤聲清入耳此
山得名不記年半土半石形迤邐漢魏北燕遼金

元有明至今一彈指人民城郭几幾更此山依舊
蒼然峙我來山下訪舊事當年戰壘無遺址緬想

崇德五六年

神兵禦敵渡遼水彎弧洞鐵氣如虹俯視將軍埒羊豕
千騎轉戰杏山前路隔松山十八里戰鼓驚天海
浪翻百萬覆軍强半死凱旋牧馬潘水陽天助

龍飛良有以今日田園古戰場萬縷炊烟墟落裏沉吟懷

古向秋風殘照松山凝暮紫

聖駕巡行東國展謁

祖陵恭紀

乾隆癸亥

裘曰修

混同鴨綠從西來
八雲長白高崔嵬
千年王氣此間聚
鬱葱一望誠佳哉
我

皇法

祖懷

遺烈宴坐深宮戒無逸
上陵舊制古所稱

霓旌翠旆凌秋發當時

烈祖真天人指揮六合驅烟塵受符

上帝主中夏得國最正古莫倫經營締造詒

孫子繼統還思開國始守成創業無易難業業兢兢一

而已我

皇念此永不忘櫛風沐雨敢暇康

寢園松柏紛在望親奉玉食承蒸嘗

仁皇御宇六十載兩謁

珠邱涉山海昔年父老能指陳馳道如弦至今在石門鐵

嶺凡幾重地靈蜿蜒神所鍾朝霞遠照松花水旭
影迴依木葉峯宛然

聖祖經行處又向昇平開

輦路川原草木盡忻懽承

恩一一迎

天步高山天作語可徵扶輿磅礴

帝業興龍盤虎踞何繚繞鸞翔鳳翥皆飛騰風雲吐吞瞰

赤縣岡巒重疊環

丹陵齊州坐看似眉列紫氛萬里祥光凝我

朝根本推東國形家共識

真人宅天門九扇高幢幢向背陰陽倅翕闢武功文德仰

璇題

左右兩坊名

建中

崇政

殿名

標銀額東西瀍洛未足奇直過周年書八百

河山表裏四望同從容周覽愜

睿衷諮詢故老流

閭惠憑弔往蹟欽英風邠岐遺俗頌樂土沛豐高會

歌舊宮維時天清玉宇淨滿輪皓月秋方中爰有
名王謹稽首四十八部分左右咸襲冠帶通威儀
殿頭拜舞身行酒我

皇萬歲福祿昌臣守藩籬効奔走
天顏一笑手引卮更進

慈闈前上

壽羽林十二拱

御營三千組練耀日明時清未可弛武備習勞肄射還

分棚

躬擐介冑臨晨出自總戎兵越塞行山中早已得狐兔
草間不敢潛鼪鼯

聖主能文復能武共道

雄姿似

皇祖七校齊瞻上將旗三驅肅聽軍門鼓移時罷獵解長
圍鐵衣靜處無風雨壯士垂鞭相和歌昇平雅樂
仍堪譜

兩京並建道匪賒而今中外共一家
東西南朔極海宇版圖遠訖天之涯
師旅更奏迎

鑾曲告

廟歸時忻飲福郊塍繡錯雪初飛
為兆豐亨成百穀

上天眷顧錫萬年持盈保泰猶乾乾

祖宗德澤在億兆深入肺腑如銘鐫
不識不知

帝則順一遊一豫

皇仁宣

宸心默契垂裳化

臣

職勤思補袞篇

聖駕東巡

盛京恭謁

祖陵大禮慶成詩

栢梁體一百韻

癸亥

于敏中

皇帝仁孝苞虞唐御宇八載大化翔重熙累洽樂時康

憲

天出治敷宏綱湛恩汪濊愷澤洋聲教四訖暨要荒西至

虞淵東扶桑北極祝栗南越裳陸贍水慄通梯航

神人和洽治馨香百年禮樂際光昌紹

庭繼序思不忘緬維

聖祖孝治彰

丹陵三至奉蒸嘗我

皇繩

武由舊章乃東巡狩用孝饗叶孟秋七月歲昭陽吉日維

戊辰維良

天行星陳法駕張

龍輶華轡下繫閭鸞聲噦噦鈴鈇鈇前驅天畢後太常
招搖右建左櫓槍鉤陳華蓋居中央八神警蹕殷
軍裝虎賁魚麗相頡頏清塵肅墜爰啓行

聖人孝養德莫量

金根祇奉承懽慶郊原雨過風微涼

詔發內府除道梁民力不役農無妨西成將告田既臧
禾麻黍稷菽稻粱錦暉錯繡雲塋黃

乘輿周覽慰所望塞垣萬仞葦金湯時平不用修邊防

布德示禮列九疆龍堆沙磧馳康莊穹廬之長旃
裘羌樹領蛾伏羅道傍就瞻雲日稱

聖皇四十八部如堵牆金錢

錫予億萬強爰整旌旆蒞

陪京叶高山周宅殷土芒長白盤鬱鍾

興王混同鴨綠流湯湯

天貽朱果邇發祥積德累葉撫萬方

橋山鼎峙弓劍藏巍然

啓運瞻崇岡

天柱隆業倚穹蒼
肇禋大祀升蕭鄉
潔盛豐潔鬱鬯芳
鼎及鼐俎牛羊
工祝致告薦琮璜
瞻懷

祖澤感露霜精意合漠思彷徨

天子穆穆誠敬將
百辟卿士職趨跄
禮成受嘏福祿穰
繄昔望散實劬開
國元祀惇功宗叶
舊勞追念

酉椒漿山川望秩咸孔明叶

王在在鎬開明堂遂御

宗政臨巖廊既備乃奏聲喤喤

世德新樂同咸英 叶 瞳矐旭日奉

御牀羣臣上壽稱兕觥 叶 式燕且喜歌承筐朝鮮職貢

冠佩跼蓼蕭露湛清瀼瀼

詔書五色銜鳳凰酬庸紀績加宗潢惟百執事從贊襄

賜爵一級

恩德霽

大賚禁衛無軍廟

園陵守護勞勩償存問者老資衣糧蠲租肆肯廢胥匡載

簡車馬

神武揚七萃八校騰龍驤羽獵何必誇長楊

念茲遑瀋惟

帝鄉製作鉅賦輝琳瑯邠岐王業述精詳神臯靈物探微

茫

睿思泉湧富縹緗研京鍊都奚足當

小臣

珥筆謹拜颺

詠

神聖德紀珠囊猗歟

聖主觀

耿光令聞令望如珪璋自朝日昃永不遑於億萬歲

庸

天貺叶卜年卜世基靈長

聖駕東巡

盛京恭謁

祖陵大禮慶成詩

癸亥

金甡

維清緝熙宣重光

帝握金鏡開珠叢文謨武烈宗覲揚紹聞繼序無時忘
七朝觀德嚴蒸嘗

鼎湖龍氣隨軒黃厥初生民徵發祥坤輿靈脈蟠東方高
山天作橫大荒氣攝遼海恢全疆作豐還鎬王業

昌

留都近接

珠邱旁千秋弓劍

橋山藏適追來孝惟

皇王感物增思懷秋霜睠言舊里沛與豐

乘輿親奉

慈寧宮歷吉日分以東行薦新承禧豐年穰嘉禾委積連

坻京郊原初築圃為場如弦馳道遙相望千乘萬

騎龍騰驤鸞旗翠蓋風低昂疎林掩映丹青裝登

臨引興搞

奎章行圍縱獠歲有常三田秋獮禮固當雲羅天畢紛

舒張白羽捷發攢飛
螭霜蹄撒烈殷雷
礮百禽悽遽走且僵
他他藉藉阮谷量三
驅弭節毋胥戕擇取
上殺除面傷用儲乾
豆烹羶薌威弧照野
狼收芒絕幕萬里皆
康莊淵旋雲被臨神
鄉佳哉王氣鬱葱葱
都廣之野務隅陽

神靈陟降憑元堂
肇稱殷禮行升香
延帷接桓羅斗匡
季秋之月日在房
晨瞻烏注垂中央
朱霞盪海明搏桑
金蜩列侍齊冠裳
駿奔祇奉湯孫將
清醑既載

調和羹九州珍錯陳縱橫歆馨顧德

神來饗

澄心凝思亶徊徨

几筵如在餘悽愴洪鑪盪滌提天綱河山風雨勞斧斨
靈旗石馬爭飛颺松楸萬古瞻龍興緬仰

祖德何靈長念茲繩

武敢不覆禮儀告備旋天墉

高臨崇政啓南端羣工蹈舞前稱慶玉卮初進萬年觴

雲天

德施蕭露瀼

錫宴親舊隆異糧鯢齒鮐背駢趨蹌醉酒飽德詠太平
皇權既浹陳縹緗聞揚

光烈窮形容

盛京一賦垂琳瑯

世德舞奏音鏘洋三侯裁足羣兒倡慶成大禮絲綸降

恩覃中外熙春暘文德既昭武節彰選徒大閱傳牙璋

颼颼雲迅俄方攘天行星陳高頡頏敦營七萃環
武剛黃龍大牙常處中

申嚴號令昭戎經虎拜曰召鷹揚姜武夫併是干城良
教達禁成節制嚴如飛如翰如漢江洗兵蚤已挽
銀潢藏險於順威靡亢元菟真番暨樂浪東震日
域咸稽顙保塞屬國茲益恭事畢功宏澤沛滂逶
迤

仙仗周迴翔山川望秩酬靈貺歸格

祖禰循寶城關輔絡繹馬騎迎

翠華至喜鈴鈇鈇景雲麗色開

天閭先問起居朝

壽康遂

升前殿臨濟將

雕輦止蹕還東廂聲明文物增輝煌昔始往矣菊未英
今來照水收虹梁征途回遠時節更師無疲露情
徜徉先期規畫罔不臧

日月垂照無遠障

睿謀神運非贊襄曠典具舉殊安詳瑤圖萬葉流芬芳
聖德廣大彌穹蒼敬

宗尊

祖凝羹牆展親錫類榮宗祊發揚

孝治光昭明春溫秋肅

恩威雙聲靈赫濯踰溟滄坐見九譯來梯航

堯仁舜孝孚萬邦

小臣

何幸親虞唐

恭和

御製柳條邊元韻

甲戌

劉綸

烏奕黃圖肇遼海海山襟帶真無外一綫緣邊折
柳條版鋪不煩人力億四十八部屏藩多瓜期戍
卒尠經過徑如設垣圍設最循牆恭謹當如何吉
行五十日記里伊屯英莪奚翅蓰遠勢無聞控句
麗在德不在險明矣諏辰輶舍爰自東元菟古郡
遙相通郁蔥佳氣攬前旆新豐雞犬將毋同絕域

梯航況時有巖疆不藉金湯守
敲鐙齊吟出塞篇
鞭絲青度關門柳

恭和

御製松花江捕魚元韻

甲戌

劉綸

山圍水獵皆壯觀松花淨綠開
江烟獻師豈習獸
臣伎勢如赤馬操吳船凡鱗瑣
碎那足校倚舡拋
擲紛鯉鯁須臾網定义亦止大
波突起何軒軒巨
魚充貢送河伯餘者婢媵更僕
難吞鉤掣纜俟力

盡任公蹲海或庶焉譬如軼材一獲雋風毛雨血
空續緒歸來鄉夢落淞泖鳴榔夜聽扁舟寒

恭和

御製採珠行元韻

甲戌

劉綸

天地沆瀣清翕淪光涵璣斗潛效珍從來至寶恥
魚目肯隨蜃蛤霾荒村吉林地踞海壖勝龍宮蛟
室難具論一江滌洄作璇折分形滿月珠胎真

御檻臨流試一採映山黃帽朝曦新健丁緣索快深探

松醪

恩意歡沾脣取玉無多石去璞揀金幾許砂披銀老蚌
出川媚乍獻殼積頑礦皆枯皴因知象罔蓋踰道
勤求赤水庸辭辛

聖文璀璨照百琲敢持瓦礫希圓神

恭和

御製窩集行元韻

甲戌

劉綸

一髮無崇岡一掌無大陸美哉洵吉林得地皆灌

木木生太古閱世頻有若鼻祖見耳孫號為窩集
鉅細別茲山絕特尤離羣傍厓誰闢土囊口巨靈
前驅五丁後密蔭翮疑鸞鵠停樛枝瘦似蛟虵走
爾時霜氣渲紅青倪黃小稿無能名又如擁塗萬
旂毒靈威護

輦良可徵清音上度迦陵鳥遙光下發岱輿草脫葉羅
疎訝雨花馬頭亂點人爭道虛翠沾衣不知處簷
蔔優曇本無樹兩九日月東復西溟濛一炷惟仙

霧春秋八千孰推此衆香國擬無遮比不材木植
何有鄉大海微漚能著幾就中松塔多離奇巍巍
七級知誰為盡斫根柯求粟粒落實棄材奚取斯
出山共詫鬚眉清袖中謾謾天風聲佳境耳食苦
難寫醒齷空慚拾橡行

恭和

御製柳條邊元韻

甲戌

汪由敦

關左帶江襟溟海

王迹聲靈訖無外郊圻申畫示藩維休養承平息勞億邇
門縈繞柳條多疎如列柵眉纔過蒸土鑿山恐未
固立木所禦能幾何自北而東幾千里九邊雄要
什且從重門擊析豈其然聖有金城斯是矣

鸞旗行秋指大東伊屯詖蕩吉林通林開陸海見窩
集源溯星潢接混同笑指邊牆原舊有緬想

陟原思繼守請同崖口峙豐碑

木蘭有
崖口詩勒石山上

御製八
萬葉

春光牆上柳

恭和

御製松花江捕魚元韻

甲戌

汪由敦

隍山獵獸已飽觀路遵沙渚披晴烟清江一曲網

罟集中流正放

黃龍船波平風細下見底大有鱣鮪小魴鯁鱖師挺叉

魚奮躍如縻帶箭猶勝軒銀刀撥刺浪花捲百取

一二曾何難巨鱗昂首驚出水槎頭丙穴奚數焉

頒鮮饜飫等國罷細所作膾絲紛緒江空舟散兩岸潤

近人秋月清光寒

恭和

御製採珠行元韻

甲戌

汪由敦

長源星漢波涵淪天寶所萃多潛珍
虞衡著籍採珠戶千家散處江邊村
年年酒採貢天府甲乙品

第公評論

珠戶歲以冬抄貢珠內務府大臣暨工部會定差等

翠華東巡歷江潯臨淵一試知其真是時
秋雨正寥泬纖雲無翳江光新旗丁袒入
鮫人室出沒深瀾沿

沙屑足探得蚌俯而拾剖出一一堆白銀夜光明
月雖罕見勻圓類采無瑕皺迴旋迅復沁肌骨絕
舟繫石多苦辛觀餘行賞灑

宸藻蟠璣萬斛真通神

恭和

御製塔兒頭歌元韻

甲戌

汪由敦

塞行沙磧何茫然林麓縈帶膚泐泉不疏不導澤
沮洳泥淤中有長茭牽根盤葉覆積豐草春茁冬

枯夏秋潦馬駝踏草軟於韉一失足陷千尺湫草
頭時見瀾瀾波草底淖淖且奈何想從草底仰波
面浮圖尖幾由旬多風濤而外有若此坎險視人
身所履安得平開萬頃湖往來利涉招舟子

恭和

御製窩集行元韻

甲戌

汪由敦

坤輿鬱磅礴占漸得于陸震維納大林盛德乃在
木彌臯蔽谷入望頻叢駢攢立枝生孫滄溟扶桑

近可拂曲轅櫟社非其羣隘阻疑來土囊口前行
欲迷顧其後暗聞鱗葉颼颼飛直礙標枝麋鹿走
霜紅烟綠冬能青誰歟一一疏其名維條維喬書
莫紀其灌其柵詩奚徵翻因地迴無栖鳥下蔭長
生不枯草三珠五鬣何足奇百尺十圍那勝道千
里安窮本盡處恍接天邊白榆樹依微停午漏曦
陽憲靈終年所零霧濤翻大海有如此雲湧層峯
未堪比春椿空說八千春太始以來什伯幾審知

富媼多神奇奇由天造非人為關山江海富

新製得未曾有創見斯

鸞旗掩映秋氣清

毫端颯颯天風聲榮光萬道燭林表譜出

東巡塞上行

恭和

御製廣寧道中元韻

甲戌

汪由敦

柳城西來萬騎行山光水色相送迎

攬景踟躕嗟往事道旁荒戍徵前明空山人聲鳥聲亂
閭峯爽致高秋薦蕪城當日黃埃飛古堞幾聞蒼
鼠竄東征高麗嗤唐家遼金列郡駐戟牙邊陲險
要資控扼廟謨將畧徒相誇小黑峯前置屯衛戰
耶守耶修繕備風塵三尺赫

龍興戈甲如山紛解棄

聖朝侯尉徧東西風從雲翔化若馳百年雨露滋蕃息
千里畿甸呈豐熙緬懷

祖烈固邦本沐德最先居最近旋興

吟眺撫遺蹤雲外征鴻秋正晚

恭和

御製柳條邊元韻

甲戌

金德瑛

金湯設險資山海往往其間分內外備胡三策費
經營盛世猶嫌甲兵憊我

朝制馭利最多時巡秋獮來經過諸蕃一視皆臣子彼
此相狎無云何邊人蕃人似鄰里貿易熙攘利倍

蓀

乾坤度量丕冒之雀鼠爭嫌亦微矣行依柳色東復東
鹿眼疎籬面面通外邊策遂裡邊見歡笑和答將
母同豐亨悅豫占年有

天子有道四夷守古來辛苦築長城何如植此柔枝柳
恭和

御製採珠行元韻

甲戌

金德瑛

異物自秘如隱淪時當

盛明方效珍疑有驪龍抱之臥光媚夜耀東西村鮫人
蜃戶供職役凌波蹈險非所論茲當

萬乘親臨采魚目遠遁留其真中秋節屆桂魄滿上下
相映爭鮮新老蚌潛居恃得計閉房噤口深絨脣
一朝援臂探幽底剖剔磊落流盤銀呈能獻技務
多取敢惜手足皮膚皴

帝曰汝寒賜汝酒勝如挾纊忘勞辛留餘不盡毋竭澤
藏珠於淵司以神

恭和

御製塔兒頭歌元韻

甲戌

金德瑛

有草不遭野火然有水不作通流泉積之萬古永
陳腐似紅似墨相糾牽馬蹄只踏離離草孰知暗
裏藏積潦束藁成隄一線中勉強爭趨愁隘湫凹
者如穴凸如坡陷不可出將奈何長者十里或五
里短者數丈連綿多龍行虎步猶經此忍說凌兢
擇所履不聞折坂險羊腸王尊忠臣非孝子

恭和

御製窩集行元韻

甲戌

金德瑛

連延循山東有險少平陸忽然氣陰翳丁丁響啄
木猿猴麋鹿呼嘯頻老幹樛枝子復孫輪囷拳曲
各異態秦槐漢栢遙同羣行人聯轡到谷口前者
遮前後掩後日光瑣碎罅隙間縱橫布影龍蛇走
流黃飛翠儼丹青疑楓疑櫟不可名紫絲步障數
十里目擊天然信有徵尋顛沿麓迷處處恍惚仙

人來嘯樹輦路中開二丈餘欵爾青天豁然霧良
材輕費賤若此長途截板鋪鱗比蹄聲得得馬生
風已是摧殘億萬幾徑路幽閤增怪奇寓集未必
皆天為倘或供殽樵蘇用安得長養恒于斯幾灣
流水渡淺清菽菽猶傳亂葉聲回頭依舊蒙茸在
可記身從此內行

恭和

御製觀大凌河養息牧元韻

戊戌

和 琿

朝家馬政較古盛往往散見

宸章詠毛色羣分似錦雲鳴嘶直與山谷應唐時四十
萬匹多每征青海防黃河我

朝息牧減其半多寡勞逸豈同科今時牧法微有異大
凌河馬冬來餒上都鹽澤息牧場較之此也更無
事醫無閭陽北海濱千羣萬隊數里陳

聖人閱馬

聖意遠牧馬之法通牧人施以銜勒伏以阜馬盡騰驤

士煖飽不稱其力德是稱同軌蕩蕩遵

王道

恭和

御製渡句驪河元韻

戊戌

和 珅

駕言徂東乘乘驪全遼之水匯此而流西衆士無須愁

灣泥梁成長虹亘通達

開初之時每濟師吾

皇三至念在茲溱盡潭清此其時無虞來往恒於斯但

看歷歷車馬移鄙彼子產小惠為贊

前烈紹

祖懿至今薄海皆封提

恭和

御製

昭陵石馬歌用舊作趙霖畫唐太宗六馬圖歌韻元韻

戊

戌

和珅

石工貌馬初承

詔二馬鑿成各臻妙嘶風向月有精神石馬形如生馬肖
當年御此總六師不使神駒伏櫪為可歎勝朝多將帥豈
如兩馬聲名垂世間凡骨無其第縱有千金何處
置矢口交攻得力多非徒有勇無知義

乘此二馬破敵人陷陣推鋒必自

親景仰當時

開創烈至今率土莫非臣

經文緯武勇而斷無有諸王過十亂破竹之勢有先聲望

風解甲無與難今來見馬

松楸間血汗淋漓石上殷二馬久已化龍去令人慨慕思
艱難自古傳聞照夜白何如二馬生顏色鬃髯兩龍天上
行來往風雲在瞬息

恭和

御製

昭陵石馬歌用舊作趙霖畫唐太宗六馬圖歌韻元韻

戊

戌

梁國治

曹霸畫馬昔奉詔引以杜甫詩雙妙丹青那比刻
琢工皮毛肉骨筋惟肖

昭陵石馬夫何師乃貌大白小白為霜空電影已飛掣風
鬃霧鬣猶今垂二馬空羣經品第

天厩兩龍

左右置千朝芻豆飽蒙

恩萬里風沙輕赴義

當年控御出驚人旗鼓刀槍每戰

親歸來洗刷仍全體百戰百勝猶純臣二馬功高理可斷
壁壘交攢心不亂心如此石轉如風可以濟時無
出難試躋唐宗六馬間畫圖每每愁斑殷安貞踰
險

頌無繹二馬遇

主誠艱難

陵前鑿石雙雙白同力同心復同色千秋屹立生氣存齒
長無煩嗟荀息

恭和

御製觀大凌河養息牧元韻

戊戌

謝墉

房星夜朗

天閑盛西極
篋超漢時詠

德至

山陵澤馬來

見孝經
援神契

德勤水土
駉駉應

見瑞應圖

自餘羣驥良且多
蕭蕭聲滿湯

湯河既佶既同亦既阜
毛色骨相齊分科
驪黃牝

牡非有異牧圉供職謹飼餵神臯沃衍聽嘶風太
平何有疆場事秋郊排立遵河濱駢駢並堪圖畫
陳千乘萬騎齊足力更番三物掌校人教駢攻駒
馴樨阜豐草甘泉恣夙飽唐代東封安足云吉日
車攻歸

有道

恭和

御製

昭陵石馬歌用舊作趙霖畫唐太宗六馬圖歌韻元韻

戊

戊

謝 墉

乘龍御天

天所詔神駒佐

命特超妙鏤石寫形駝象間凜然生氣儼然肖古者軒帝

紀雲師熊羆貔貅教戰為飛黃服卑征不諛鼎湖

仙去龍髯垂

丈皇名馬定以第太乙况詎渥洼置與

帝一心成大功生則効忠死殉義

陵前排仗宛如人屹立相向兩相親輝發葉赫今安在此

馬足愧攜貳臣我

皇拓疆神獨斷運籌削定準回亂哈薩克馬供

吉行班如緬昔平屯難敬溯

天聰崇德間

躬親百戰汗血殷馬上得豈馬上治

取之甚易守之難

恭述
燕京復班師

太宗垂得
諭語

姬周弔伐旗揮

白偉哉天驥同名色

瞻仰松楸紹

武功華山之陽大蕃息

恭和

御製觀大凌河養息牧元韻

戊戌

錢汝誠

周詩牧馬垆野盛三千驃北風人詠漢求天馬遣

貳師絕域何曾善者應

漢使至大宛求良馬多匿其善者不肯與

貞觀

七十萬最多分坊析監還瀕河

唐張萬歲為太僕置八坊於岐幽涇

寧間分四十八監後復析
八監於河西豐曠之地
少陵止云四十萬竟

與兵制相殊科

唐兵制稱自貞觀至麟德四十年間馬七十萬六千匹而杜甫天育

驃騎歌云當時四十萬匹馬張公嘆其材盡下較史志所載已少三十萬矣

我

朝牧政特超異上都監澤善飼餵即看大凌廣牧場

敬緬當年

開創事房星下燭潘野濱雲屯錦錯以類陳各隨孳乳自

馴擾轡勒無藉司圉人縑絹空嗤回鶻阜

唐以縑絹數十

匹易一馬徒受回鶻之欺今則市哈薩克馬每匹約不過三四金較內地馬價廉數倍為亘古

所未有

募耕芻牧何能飽

唐募民耕以供飼馬芻秣常不足

載廩

樂府試呈材宛駒早見從東道

恭和

御製渡句驪河元韻

茂成

錢汝誠

遼東之東高句驪

後漢書高句驪在遼東之東

大遼之水近在

陪京西

句驪河在盛京城西一百里水經注作大遼水

長虹宛宛不踏泥

向之沮洳今莊達緬

昔叠道利行師承平一再築在茲

太祖初定瀋陽命修除叠道自

藩陽至廣寧一百二十里平坦如砥師旅出入
便之疊道外仍多封泥康熙雍正間繼加修築

遂成
坦道

六龍展謁秋清時潭澄潦盡仍如斯

甲戌九月
製渡句驪河詩有

御

潦盡寒潭
碧水澄句

張軍其南潛北移典午何事詭譎為

貞觀之治七德懿

叶

東征之役安足提

恭和

御製

昭陵石馬歌用舊作趙霖畫唐太宗六馬圖歌韻元韻

戊

成

錢汝誠

時乘御龍

天錫詔特降房星生二妙英風矯矯駿骨張表闕麒麟貌

能肖石工斲石勝畫師天閑萬匹能爾為即今對

立風雲際屹然相向雄姿垂層霄立仗自次第一

心成功此位置東馳高麗為布仁

崇德元年
太宗親統師

征朝鮮克江華島獲其王妃王子國王李倬乞
降太宗宥其前罪倬乃於三田渡立碑

以紀

恩德焉

西伐燕京與宣義馬中殊遇依

天人左之右之奉

御親或五十里或百里

太宗體豐鎭重御小白日行百里御大白日行五十里策

功應亞諸勲臣六馬圖開誇畫斷片石長安已零
亂汗趨空訝說神靈龍起猶聞遭蹇難何如兩白
在行間霜蹄飛踏流沫殷驍騰百戰久無敵聯翩
雙俊尤為難山長白兮石亦白萬古凡馬無顏色

松山一戰放馬還

松山之戰破明兵十三萬我朝萬年丕基皆定於此自是而

後遵養時晦太宗意不在即取明牧馬於今自生

息

聖駕四謁

祖陵禮成恭紀

盛京篇

有序

癸卯

彭元瑞

皇帝東巡於

盛京恭謁

三陵蓋上儀於是四舉矣是舉也上以宣

列祖之重光下以萃萬國之壹志示理大物博明備之典

應久道成化曩美之期求之古道實維希矣夫宅

鎬適成燕翼涉渭及祀豕虬皇矣八章恢戰功
風七月臚民俗東都之會同苗狩時周之喬嶽
河皆追頌舊京用事巡歲然而武祭畢陌僅見
書康朝鄴宮獨紀魯傳厥典有間其詩闕如自
始義遙七言代作揚圻介乎古律鋪敘宣於長
言雖無雅頌詩人能賦之材幸逢典謨古帝未
有之盛敢播金石庶附壤衢迺作

盛京篇其詞曰

日月開

皇極風雲肇

丕基

纘緒擴

駿烈

展謁昭鴻儀

駿烈鴻儀隆萬古作邦作對以薦祐乾苞坤絡拱

陪都

祖德

宗功造天府慶基俄朶里祥源闡門潭白山千仞峻黑水
萬派涵四塔環向共三關控制無不勞東澗西瀍
卜母縱龍蟠虎踞談

興京滋大東京建遼陽甫定瀋陽奠羣臣謀國紛一
一

神祖定都超萬萬西壓明畿掌上螺南帶高麗井中波北
征蒙古不旬日畏

威懷

德服者多有山可樵木可室宣獸於原漁於河椅桐梓漆
衛揆日鰈鰻鰓鰾周作歌神臯隩區物豐殖天道
地寶人會和從茲會極歸有極億萬斯年規

帝室

三殿當陽南北嚮十亭議政左右翼

大政殿開宵旰勤

宗謨閣迺典章集武有七德實勝標政聽五聲諫木

立

興朝之制鉅典輝

聖人之心儉德依土堦茅茨淮南美萬戶千門方朔譏班

固練都說夸侈張衡研京語依韋保塞限他邦晉

陽祇舊宅金陵飛燕入沛上逐鹿得惟有周家鎬

與豐文謨武烈事差同畢竟舊侯非敵國未能義

取由武功三代而來論都者

耿光大烈疇比崇

累代興王之地若宋之保塞陵寢入于大金固不足言唐之晉陽僅為上府明

之金陵非起事之地俄即罹兵漢之豐沛則齊
民無寸土且後不為京惟周豐鎬為大武攸宅
與我朝差類但以商諸侯征誅得天下非如
我與明為敵國終以義取即論盛京實三代
以來陪都
所莫並
皇哉

定鼎隆赫矣

留都建五雲隔

珠邱四孟饗

原殿

聖御閱六旬

躬詣肅三薦

文孫光

前猷盛事答

天眷昭陽

臨初卅載週著雍舉後五年適爰涓大丙

和鑾駕

申命太常吉日諏陵令汎掃潔禮官誓戒修檀密闕前

縣興桓塞外州卷阿留

避暑

清蹕啓高秋漸入柳條邊行臨松花水舊社近粉榆
帝鄉敬桑梓歲豐穰斐足梁麥兒大鈕勘善弧矢拉哈
泥草乘屋亟額林度楣制器始雪中法喇知牛健
江上威呼得魚美松實作塔七寶裝葭形成人五
葉起葱葱鬱鬱何佳哉翹首

三陵王氣開九捧凝神陪劒佩三升告

侑列尊壘水木有源通

志氣羹牆如慕感

栽培二萬輿圖今式擴十三戎甲

昔初來

明堂實政頒

巡狩大號渙歲租

賜以金莊糧蠲其半冠帶襲周盟雲天需鎬宴輦前嘉

頒

賚宮帛仗外老民

錫官絹園扉草滿拜雞竿黉舍芹香廣鶚薦兵固執挺
糧有差官以清塵爵無算班分蒙古

御筵張額捧句驪

宸筆絢禮行顯祐景祐

親望於遼河渾河徧北海北鎮新奉祠功王功臣優遣

真

恩誼布而獲

諭詞周且篤

示儉思撙衣

申

訓戒改服鹿角制椅存

手澤霞綳觀書因舊俗家風長在使士射

國語毋忘為官勗

君舉必書皆大端事豫則立由幾先

園壇九奏

南郊妥

方澤三成夏祭虔

清寧宮祀

神如在德盛門移

廟孔安

冊玉

寶璆尊黼几戰圖潢牒貯瑤編出帑逾百萬修城凡十八
役不聞鼓磬民咸樂畚鍤墮垣剗堞溯

功成山高水清久太平地當馳道屹壯觀天與勝勢環

神京高閣成新構文館宏

前躅東都邁麗則西京軼天祿溯從一水淵源津藏將四

庫三萬六侍臣排帙堆豁山

天子披書秉糠燭我

皇文教被無涯又成

四集萬首詩朝鮮使者能廢

韻教漢先生解屬辭方看

攬轡已

篇成考文訂古

聖人情天雲上下澄海甸遼水東西枸柳程姜女祠稽
杞梁妾夷齊廟辨墨胎精罪功局定熊廷弼門戶
戒申王化貞戰壘可綱

褒謚顯石坊大壽貳臣驚羣仰

聖言大洪惟

祖德宣後所過前所松山接杏山雨中降將出關外勝兵

還風雷舊說龍方戰

雲日今瞻馬既閑

吟來用誌

前勲集到此方知

王業艱於鑠王師薩爾濟

天威所及殲劉杜烏蛇涿鹿儼軒轅虎豹昆陽陋光武

高文典冊垂無極

大字碑版照終古

黻冕禹德遠

戎衣周緒鴻三成開滿月二白立嘯風高皇劍莫匹昭陵
馬不同設衣陳器斯為孝

創業

守成各有道如見

經綸櫛沐心敬為子孫臣庶

告已過廣甸

巡言旋巖關路

東陵謁

孝孫

奉先格

藝祖

前殿

大朝會羣臣賀拜舞

鑾啓方過

萬壽節

蹕迴正及小春月五千里路鼓車記六十日程郵籤列

天顏有喜增晬盎庶政必親勤

批荅

古稀天子真無疆維乾之健允以說情深而文明禮備

且樂宣臣幸際

昌會敬賦

盛京篇

欽定盛京通志卷一百二十一

欽定四庫全書

欽定盛京通志卷一百二十二

國朝藝文八

詩三

五言律

欽定四庫全書

欽定盛京通志卷一百二十二

國朝藝文八

詩三

五言律

扈從渡渾河

康熙戊寅

高士奇

浩淼看無盡
滄波滾滾來
浮橋齊渡馬
大地不生埃
勢接黃圖壯
流從碧漢迴
尋源雖有志
終忝漢

臣才

恭謁

福陵

康熙甲申

呂履恒

太祖龍升處巍巍近斗杓南天千岫拱中夜百靈朝廊廡

丹如昨松杉翠不凋仰瞻佳氣象常在五雲標

恭謁

昭陵

呂履恒

文皇克繼述海甸悉從風嚮序初興教戈鋌已奏功白山

鳴瑞鳳遼水卜飛熊

王業方新日羣瞻氣象中

大凌河應

制康熙己丑

夸岱

大凌河上水猶自起悲聲曾以三千衆求摧百萬

兵

明洪承疇統十三萬兵號百萬破於此

指揮欽

聖略駕馭盡羣英吾祖擒明將奇勲一箭成

牛莊迎

駕恭紀 康熙壬戌

鄭繡

敬迓

鑾輿至朝衣出郭東馬蹄如捲浪人耳但聞風水草連天

碧旌旗匝地紅

至尊方校獵鵠立夕陽中

野曠千官靜塵高萬騎來夔龍依日月兕虎疾風

雷柳散堤城合燈攢帳殿開歡聲騰父老共覩

帝車回

聖駕東巡

盛京恭謁

祖陵大禮慶成詩

有序

乾隆癸亥

錢陳羣

欽惟

皇上德配苞符功隆位育建其有極欽五福以錫庶民
奉三無私懷百神而柔喬嶽邇安遠至既道濟而
知周禮備樂明復本仁而率義謂我

朝發祥遼海正位

興京如太陽之出暘谷歷上春而照八荒如洪河之
導崑岡經九折乃行中國源遠流長譜系在履武
生商以上義章志敬羨牆在郊堯宗嚳之先萬代
所瞻

三陵相望一十二州清淑全萃幽營二十八宿精靈適當
析木嶽祇瀆鬼趨

原廟以朝宗虎踞龍盤夾

橋山而拱護安陟降之神與天同體衍肇基之慶應地無

疆洪惟我

聖祖仁皇帝三親玉趾瞻松栢之九九亦越我

世宗憲皇帝一奉綸音拜几筵之肅肅

皇帝欽明繼軌健順同符敬侍

慈闈聿繩

祖武時維月吉當萬寶之告成諏彼良辰駕

六飛而順動金支秋麗雲霞捧華蓋以飄颻寶扇晴

開日月照鸞旗而灼爛幔城所指叅谷回春黃屋

俯臨蒼生望歲庖千官而逾大漠從七萃而詣

陪畿吉日既蠲明禋肇舉鱗筍毛簋奏厥和聲雞勺

虎晏陳其德座惟

孝子為能享

親鄔叅江茆各以其職來助斯

聖人祭則受福東鸛西鰈可致之祥畢臻遂開明堂肆

覲東后天揖土揖時揖大集禹甸衣冠鬱齊醴齊

盥齋侑以周庭笙瑟挹

湛恩而不竭視大貴而彌光

愷澤可逮於下流

至仁不遺於一物法

祖受釐介十千年景命與民同樂遍億萬里提封由發軔

以屆廻

鑿節氣秋冬成易抵龍庭而還

鳳闕經過皆錦繡河山四海水清

一人有慶明於禘嘗之義庶事康哉欣逢

仁壽之君大孝備矣夫時雨將降柱礎猶知大樂既調
跂蹠解舞矧臣職列卿班躬覩

盛典聚百順而致四靈遠駕元和聖德撫三唐而規
兩漢愧非吉甫歌詩雖繪天畫日蓋非吉甫所能而
藹向葵傾亦其精誠所結謹拜手稽首而獻詩

曰

時邁隆禋祀

巡方首在東豈惟遵舜典亦自守家風詎日剛柔協抒

忱肸蠁通百年興禮樂大孝備

皇躬

其一

王氣千重結神皋實所鍾
插天高一柱拔地起三峯
長白常蹲虎巫閭拱卧龍
圖經金鏡在萬派仰山宗

其二

水勢天然勝縈廻抱此邦
南趨朝少海東迤走三
江析木星辰會箕封教化
龐百泉流脉遠鳴玉自

淙淙

其二

七校臨秋發黃雲四野垂雨師先灑道風伯肅清
馳大漠如弦直周廬戴月移

聖情多悅豫傳與百僚知

其四

一人隆孝治色養奉

慈闈野老將芹潔番君獻雉肥細旃承子舍袞服尚萊衣

十二天開馬和鸞過翠微

其五

聖勤天所縱左肅集車書批荅

綸音捷詠謔

清問虛尋詩秋柳外校射晚涼餘右史鄒枚侶濡毫富

石渠

其六

環衛諸藩集琯弓

帳殿開傾葵迴日照獻

壽劾蒿呼燈映千潭月歌繡一串珠邊民懷

祖德今日慶同符

其七

啟運基王業

興京輦路西千秋避風雨萬族感鳬鷺松柏長如幄

雲霞自作梯

曾孫親薦幣穆穆契天倪其八

禮行於望祀

清蹕肅清齋北鎮牲先視東維壁可埋哀時諸政舉受

職百神皆呵護山靈效

皇心亦孔諧其九

祖功艱締造

天眷重扶培草昧真龍出風塵寶劍開五雲生

饗殿萬壑赴泉臺祭畢猶凝睇雄圖亦信哉

其十

層巒平敬下

隆業鬱輪囷彤史尊丕顯蒼生感至仁

謨謀三代遠著作百年新佇想

皇誠展師師助慶禋

其十一

典禮隆殷荐光華紀素雲綏綏成歌下武克配頌思

文

闕寢香醪徹寒楸曉炬分

盛朝追遠事直欲陋云云

其十二

先皇潛邸日奉

命謁

陵園昔感無聲孝今歌

有道孫職方修備物率土荷

隆恩自此移風俗誰能外水源

其十三

更救功宗事博崇建下寬策勲盟帶礪

開國際艱難褒鄂森毛髮伊萊儼佩冠一從遼

錫類感激動千官

其十四

星旂臨肅慎父老拜

龍顏暖氣迴青女恩光上翠鬟盛傳

天子幸樂似主人還譜出迎

鑾曲興情極仰攀

其十五

作賦抒

宸藻鴻濛赴筆先所憑長在德所寶亦惟賢殷室書傳

毫周家史載溼瑤編真邁古慚愧鄭毛箋

其十六

升中尊法座清漏曉趨朝侍從仍隨豹嫖姚盡珮
貂官儀依舊最世德奏新筭仰見眾恩外祥光霽

慶霄

其十
七

在鎬

君臣樂歡聲或載歎蓼蕭天上露燐爇大官庖忠告聯
賓禮昇平重泰交

陪京朝會地磐石鞏桑苞

其十
八

濱海東藩國由來凜食毛同仁

明詔下邀福使臣叨日近無私照天高有覆幬鴨頭江
水綠遍灑作

恩膏

其十九

庶事

親裁決黃封日捆馱早傳行帳裏猶問夜如何俗阜雞
豚接年豐東穗多

幾餘遊泮與歌詠矢卷阿

其二十

恩從崇政下紉綬有光華塞草知生意春風長道芽雞

竿迎赤縣

鳳詔拜黃麻遼水沙河路惟騰十萬家

其二十一

慶賜循周令今開

內府藏水衡司後乘文綺拜承筐豐沛多新麥南陽

是故鄉願留十日駐牛酒會千塲

其二十二

翠輦經過處蠲租并薄征非邀路旁譽為勸野人耕白

屋鳩先喚黃昏犬不驚康衢歌

帝力能感未能名

其二十三

下令修軍禮熊羆走駭霆八宮師后陣兩翼法羲
經武庫光凝紫兵韜氣結青承平有如此萬里靖

王庭

其二
十四

春色來天上

恩波遍大凌虎賁齋白鏹台背被紅綾振谷歡聲動投

醪勇氣騰賞兵還餉老德意況頻仍

其二
十五

嬰相曾觀德駟虞上射侯應弦當月滿屬羽正高
秋七札心皆貫三聯勢可收多能真

聖武俛首伏諸酋

其二十六

肯構思前業

當年燕翼深茅茨承

祖制黃屋豈

堯心

君德修思永民時授必欽家傳十六字紹述匪斯今

其二十七

瑞符長在握玉檢不須探布護春膏決從容要道

參健行惟用九郅運自登三第祿膺

天眷昭融樂既湛

其二
十八

皇仁同怙冒舉念及窮檐雪色寒初近春聲夜更添葭

應飛玉琯星已燭鈞鈴

天文書王者
孝則鈞鈴明

望

幸依升日都人盡仰瞻

其二
十九

鐵驪回輦路平掌少嶄嶄日影金根耀嵐光綵仗

銜

慶成旋

玉闕紀盛溢琅函萬國歡心合敷天感至誠

其三
十

恭和

御製展謁

永陵元韻

癸亥

張鵬冲

造國幽岐似艱難
翼后昆雲初瓜始
陡川祭永先

源永莫

興京宅高居列宿垣

神孫揚

祖烈輝映鳳皇原

恭和

御製展謁

福陵元韻

癸亥

張鵬翀

奮跡掃羣雄
環封拓海東
英靈符沛上
大業定闕中

珠宇凝休達
闕風展祀崇

神堯興一旅
於燦啟

天衷

恭和

御製展謁

昭陵元韻 癸亥

張鵬翀

斷蛇初起漢逐鹿不關秦指顧推三藥成功易五
旬葛燈風尚樸石馬汗如新

嗣德光

先烈如聞

帝命巾

恭和

御製堪達漢元韻

甲戌

劉綸

垂胡姿自軼豎鬣能何顧利用思鈎控稱名利飲

飛

堪達漢獸名
角中髀材

菟田推物性山澤任天機末學慚

麋誤

奎文為訂非

恭和

御製射隼元韻

甲戌

劉綸

深叢果孤見作氣徧中黃洞腋驚先中專車載後
行周鵬占並叶晉犬跡徒蹌

示武規麟植留皮古語常

恭和

御製射熊元韻

甲戌

劉綸

非羆材更趨入殼應牙璋已識宜男瑞兼符獲左
祥分鮮知欲掌擇肉肯遺肪失勢摧緣木聲騰虎
士行

恭和

御製重陽日

上恭侍

皇太后宴元韻

甲戌

劉綸

瑩閣稱

萬壽菊醖紀三行
撫序宜高位觀風况上京
花香披帳暖
山色擁闌晴
壺嶠知真境
東來即大瀛

恭和

御製恭賦

卷一百二十二

太宗文皇帝所製鹿角椅元韻

甲戌

劉綸

程材由得鹿示樸勝交龍重合文茵藉威宜虎帳
供螭盤殊曲肱塵掛稱丰茸

箴座鐫題就瞻依復訓恭

恭和

御製射熊元韻

甲戌

汪由敦

渭璫占有兆韓奕詠維黃猛試

威弧力呼騰獵士行深林孤乍見遠塞走徒跲重合專
車載園觀詫異常

恭和

御製射熊元韻

甲戌

汪由敦

派衆前救席宜男載弄璋身當雄漢殿占夢兆周

祥中比侯穿札批來玉截肪留皮傳武庫

熊羆皮皆紀其

歲月留貯內庫

聖射震顏行

恭和

御製恭賦

太宗文皇帝所製鹿角椅元韻

甲戌

金德瑛

山間藏瑞鹿年久說班龍曾作僊人馭還為

御坐供分歧同陞衛鋪褥藉蒙茸創守

躬煎日安舒亦恪恭

聖駕東巡恭謁

祖陵禮成恭紀

甲戌

于敏中

光啟

帝圖雄扶桑萬國東
省邦天作配撫序日方中
締構思
王業勤勞紹

祖功十年誠再展
肸鬯契昭融

其一

玉琯調端午

金根奉九重清塵槐雨淨迎

輦麥雲濃既以承

愉悅因之慰

敬恭山莊頻

駐蹕佳氣護鯨峯

其二

此地宜銷夏茲來更受降
款關歸

聖化舞羽格蠻邦
蛾伏三呼合鯨鯨
萬石撞

龍光聯鬣句

天筆力全扛

其三

風靜延薰館
波明夾鏡池
林巒聊寓意

宵旰每經時
述職來羣牧
更番體庶司

幾餘瞻

聖蹟舊景入新詩

其四

東顧程方始秋行暑漸微乘時勤

法駕延爽

御征衣頽栗山田稔騰驤塞草肥還將歡慶意朝夕

報

慈闈

其五

榆塞沿岡迥龍沙按轡徐建藩安部落拱極奉車

書馬酪葵忱達旃裘膜拜舒星羅四十八次第迓

鑾輿

其六

蕃俗土風殊

時巡一再諏灰痕傳古簡竿力繫生駒晴雨紛查達提

携滿庫奴

大鈞能肖物厯厯與彤摹

其七

吉林鍾玉氣

天造此端倪陶復生民始來蘇我

后漢流風存太古為德徧羣黎仰止高山在彌殷

聖敬躋其

極天長白峻山氣鬱蔥佳龍虎形同壯風雲勢可
排八岐駢瑞樹五葉茁靈芠磐石

皇基鞏精誠洽望柴其

九

雲漢溯源來江流萬頃開朝宗瀍澗合沐浴日星
迴珍味繁鱗族珠光育蚌胎混同涵一氣靈脉是
滋培其

十

地以川原厚風仍沮漆淳威呼利刻木法喇仿椎
輪酒孰施函美羹和賽斐珍霞綢光耀處

天藻豁山新

其十一

江郭淨塵氛秋高簡六軍氣雄貔虎旅陣肅鸛鶴
羣

神武能揚

烈騰驍信習勤

乾行隨解澤鏐綺沛如雲

其十二

何處奉堯尊如山壽可論

萬年純嘏祝三日

大酺恩有喜開

行殿承歡拜

寢門邠岐遙在望雲物霽網緼其十

古牒留輝發經過一

駐鑾

廓圖張捷伐

創業識艱難

王者師全勝誰歟鼠兩端

貽謀昭奕禩續

武不逞安

其十四

果野復隄山霜晴獵騎嫺熊羆穿壹發盧鵲縱重
鏢厲勇馳驅捷量禽阮谷股割鮮調

饒後歡洽大庖頒

其十五

和會

龍興地丕基兆萬年

大風欣再詠

皇淵遡初遷
翺鳳椅相盛
振麟瓜瓞綿
嶽原皆

帝作陟降倍乾乾

其十六

鐵背峰前路當年

大業昭揮戈提一旅
拔幟定崇朝
魚鳥圖堪指
沙蟲跡已

銷

橋山弓劍在計日
奠芳椒

其十七

寢園稽古制

啟運肇天苞
亶父周追王
高辛夏配郊
由來鬱松柏
復此

薦陶甄

四祖歆憑式
蕭薌合漠交

其十

天柱戴瀛鰲

山陵拱衛高松雲

靈爽赫草昧

肇基勞

帝眷歸圖識

神功靖鉞旄永清

垂大統霜露感君蒿

其十九

文祖光同覲

昭陵廟再過英風騰石馬

王迹凜霜戈惟

聖東方仰其昌百世多禮成還在鎬

手澤重摩挲

其二十

慶善重巡幸都人望

翠華三韓好風日萬井樂桑麻忠愛情逾切敦龐俗可

嘉近瞻

堂構永

繼述念承家

其二十一

建中朝萬國

宗政啟明堂復過枌榆里都依

日月光雍容文德盛赫濯武功揚海外占風至陪臣附

享王

其二十

朝會循嘉禮開筵燕舊京
南陽留帳飲沛上發歌聲
魚蓼同居樂瓠尊

儉德程

孝思孰錫類彌切故鄉情

其二十三

念此睹睹叟當時鬢尚青
星霜纔十度

車駕又重經大帛榮耆齒

天桴養耄齡引年

膏澤沃擊壤倍康寧

其二
十四

百職幸趨承

酬庸念夙興鷄班看喜溢

螭陛更歡騰澤浦醍醐飫

恩深雨露凝微勞邀厚遇誰不凜冰兢

其二
十五

十行

恩詔下東國感

恩稠白粲除新舊金雞及放流有田皆樂土比戶挹懽謳望

幸情仍慰依然昔豫遊

其二
十六

宗臣勲舊著賢佐撫懷深百戰勤勞力同時夾輔
心河山盟自昔俎豆列於今周召風雲際千秋荷

德音

其二
十七

先皇遺澤遠舊里

沛恩覃古處今猶在淳風夙所諧太平安樂利元氣貴

包涵珍重

天家訓殷勤勝指南

其二
十八

發祥

邵室永錫福洛疇兼

嘉宴歡頻待

安輿吉再占山楓鳴鳳蓋海旭麗龍檐旋

蹕重闕近東來嘉氣添

其二
十九

裡祀抒

仁孝馨香格至誠作求四海賀有慶兆民咸良月春生

殿幽風繪滿函載逢

明備舉歌詠勉成緘其三十

恭和

御製恭謁

永陵原韻戊戌

和 邛

天作發祥地

生民溯厥初謁

陵

聖孝展追

遠

至誠餘

神樹龍枝挺

靈山寶脈舒

丕基千萬禩肇此日升如

恭和

御製恭謁

福陵元韻

戊戌

和珅

皇圖基萬載

祖德及無邊受

福

陵名福承

天號奉天聿來胥宇地荒是大東年展謁

三巡志

詒謀荷一肩

恭和

御製恭謁

昭陵元韻

和珅

宅兆

神宗卜三來有

孝孫潘遼環水秀西北望

陵尊靈引千山脈明開百丈原至今傳石馬

功烈萬年存

恭和

御製恭謁

永陵原韻

戊戌

梁國治

曰若書稽古乾元易畫初

開基

四聖遠鍾慶累朝餘川嶽交融結雲霞念卷舒

思文推立極申頌

昊天如

恭和

御製恭謁

福陵元韻

戊戌

梁國治

九五飛龍御規方首拓邊

經綸開古帝

陟降仰中天牧野

臨戎日周京定鼎年

永言懷

締構上下一心肩

恭和

御製恭謁

昭陵元韻戊戌

梁國治

功高兼

德盛繩

武念詒孫於鐸光

前烈維新定一尊闕河恢

禹蹟

堂構遡周原王氣千山接

天聲萬古存

恭和

御製仍駐蹕沙河所元韻

戊戌

謝墉

細雨留

清蹕涼風啟

燕居

欽

天從畢月察地利旗興佳境蒼葭宛陳編落葉除

文思隨茂對豈必綠蕉書

恭讀甲戌

御制紀事詩

有題詩何必芭蕉綠楓葉

通紅亦可書之句

恭和

御製錦州道上恭依

皇祖詩韻

戊戌

謝墉

松山杏山路

武烈薄青冥在昔降因壘於今拱樹屏戰場嘉種被潦水

野航停潑溯

蕃昌績斯臧肇在垌

恭和

御製恭謁

永陵元韻

戊戌

謝墉

雲初推以上

高亞溯其初駢降祥長發瓜綿慶有餘省山

王氣毓卜兆

帝圖舒

佑啟同追遠

見聞優愷如

恭和

御製恭謁

福陵元韻

戊戌

謝墉

赫怒告

三后勃興威九邊

祖功

陵錫福山勢柱擎天寶鼎昇

雲馭

珠丘啟鳳年敬瞻

長發地

家慶一心肩

恭和

御製恭謁

昭陵元韻

戊戌

謝 墉

無疆開

寶祚有秩奉

神孫建國

大勲集

配天鴻號尊與情戴商邑

聖武拓周原

至德崇姬錄顯承

永念存

恭和

御製仍駐沙河所元韻

戊戌

錢汝誠

屏翳清衢路勾陳肅

帝居下情通扈從俯體駐

鑾輿顙宇俄晶朗織雲盡掃除

紫機餘課靜

摘藻更臨書

觀書
上每於行帳機餘
添翰無片畧聞

恭和

御製錦州道上恭依

皇祖詩韻

戊戌

錢汝誠

雄城臨錦水

城以西有錦水州即以此得名

列嶂接青冥中左空

勞築

明宣宗時中左千戶

於大凌河側增置所與錦州為犄角

松山已失屏

吏

太宗既破明兵於松山錦州將吏久困祖大壽戰守乏策始乞降

計窮降將下壘

斷戍烟停欲問當年事蒼茫野外垆

欽定盛京通志卷一百二十二